

舍利子我今復說譬喻以明斯義可樂聞不  
舍利子白佛言世尊今正是時願佛爲說若  
諸苾芻得聞如來清淨戒定波羅蜜多法者  
隨所聞已信奉受持

佛說大乘菩薩藏正法經卷第八

霸八

佛說大乘菩薩藏正法經卷第九

霸九

西天譯經三藏朝敵太夫試光祿卿傳梵大師賜紫沙門臣法護等奉譯

如來不思議品第四之三

復次佛告舍利子言於汝意云何地界與衆  
生界孰爲多邪舍利子白佛言世尊地界非  
多衆生界多佛言舍利子如是如是衆生界

多舍利子假使三千大千世界所有一切衆  
生若卵生若胎生若濕生若化生若有色若  
無色若有想若無想若非有想非無想乃至  
普及諸有情界於一刹那一臘縛一湏臾頃  
無前無後悉得人身即彼如上得人身者一  
切衆生於一刹那一臘縛一湏臾頃悉證阿

釋多羅三藐三菩提果即彼一切所成諸佛  
如來一一如來現前所化各有千頭而一一  
頭各有千面其一一面各有千舌是諸如來  
具足如來十力四無所畏四無礙解無礙辯  
才舍利子而彼如來同共稱讚如來所有戒  
波羅蜜多及戒蘊功德經俱胝那庾多劫而  
悉不能得其邊際又舍利子一佛如來戒蘊  
功德無有邊際如是諸佛

如來戒蘊功德無上大慧解入辯才乃至入  
大涅槃於其中間皆悉同等何以故於無性  
中起有性思議是故如來戒蘊功德無上大  
慧最勝辯才無量無數無有邊際與虛空等  
舍利子且置如上所說一三千大千世界乃  
至東西南北四維上下普遍十方殞伽沙數  
等諸世界一切衆生於一刹那一臘縛一湏  
臾頃悉得人身乃至悉證阿耨多羅三藐三  
菩提果總略廣說乃至於無性中起有性思  
議是故如來戒蘊功德無上大慧最勝辯才

無量無數無有邊際與虛空等何以故如來已得最上波羅蜜多圓滿清淨戒波羅蜜多復次舍利子我今復以顯明事相宣說如來定波羅蜜多汝樂聞不舍利子白佛言世尊今正是時願佛為說令諸苾芻聞所說已信奉受持佛言舍利子後時後分當有七日出

現世間於彼時中三千大千世界炎熾偏炎熾極偏炎熾都一焰聚彼時如來若行若住若坐若臥具有十種希有之法現彼地方何等為十一者地平如掌是為第一希有之法二者於彼時中三千大千世界炎熾偏炎熾極偏炎熾都一焰聚彼時如來若行若住

霸九

二

坐若臥彼地方中悉無荆棘涌出金寶是屬第二希有之法三者於彼三千大千世界炎熾偏炎熾極偏炎熾都一焰聚彼時如來若行若住若坐若臥其地廣闊如來受用是為第三希有之法四者於彼時中三千大千世界炎熾偏炎熾極偏炎熾都一焰聚彼時如

若行若住若坐若臥彼地方中自生異草青潤柔軟右旋宛轉如迦耶隣那寶復有妙香是為第四希有之法五者於彼時中三千大千世界炎熾偏炎熾極偏炎熾都一焰聚彼時如來若行若住若坐若臥彼地方中自然涌出八功德水所謂一冷二輕三軟四香五羨六清七飲時無歎八多飲無患如是具足八功德水是為第五希有之法六者於彼時中三千大千世界炎熾偏炎熾極偏炎熾都一焰聚彼時如來若行若住若坐若臥彼地方中有清涼風自然吹觸舍利子譬如夏月盛熱之時人極疲倦時或有人往詣琉璃河岸承彼清涼漸入河中澡沐身體去除熱惱乃得輕安調暢適悅出河在岸往復經行其去不遠見大樹林青潤翁欝枝葉扶疎影瘞清虛周匝垂覆其中殊麗宛如珠寶間錯嚴飾是人即時詣彼林所安詳而坐四面涼風散來吹觸舍利子如來亦復如是以宿善業

霸九

三

果報煥明清淨涼風自然吹觸是爲第六希  
有之法七者於彼時中三千大千世界炎熾  
偏炎熾極偏炎熾都一焰聚彼時如來若行  
若住若坐若卧彼地方中自然而有水生諸  
華所謂優鉢羅華鉢訥摩華俱母陀華奔擎  
利迦華等是爲第七希有之法八者於彼時

中三千大千世界炎熾偏炎熾極偏炎熾都  
一焰聚彼時如來若行若住若坐若卧彼地  
方中自然而有陸生諸華所謂阿帝目訥多  
華瞻波迦華蘇摩那華轉利尸迦華阿輸迦  
華波吒羅華迦蘭尼迦華多羅尼華等如是  
等華色香具足是爲第八希有之法九者於  
彼時中三千大千世界炎熾偏炎熾極偏炎  
熾都一焰聚彼時如來若行若住若坐若卧  
彼地方中見有殊妙寶塔出現一切天人若  
魔若梵沙門婆羅門等瞻禮供養是爲第十  
希有之法舍利子如是十種希有之法於彼  
地方次第出現以其如來應供正等正覺於

法界性善覺了故隨其色相入三摩地住等  
引心純一樂受經苑伽沙數等劫謂如食頃  
如來於三摩地無所壞失舍利子如來在定  
住經一劫或百劫千劫百千劫一俱胝劫百  
俱胝劫千俱胝劫百千俱胝劫百千俱胝那  
麼多劫後從定起何以故如來應供正等正

覺已得最上波羅蜜多故而彼最上波羅蜜  
多者具大神通有大威德得自在是故如  
來圓滿具足舍利子如彼非想非非想天中  
天子生已緣一境住謂識所緣經八萬四千  
劫而識不於餘識所轉乃至壽限盡時即當  
趣滅舍利子如來始於初夜分中證成阿耨  
多羅三藐三菩提累於中夜分入大涅槃於  
其中閒而不壞滅三摩地法如來在定無心  
可轉無心所行無心伺察無心偏行無心可  
增無心可減無心散亂無心可高無心可下  
無心攝護無心隱密無心隨順無心違背無  
心沉下無心動轉無心喜悅無心愛着無心

觀九

四

分別無心離分別無心計度無心隨識流轉  
無心依止眼耳鼻舌身意無心依止色聲音香  
味觸法無心於彼法中行無心於彼智中行  
無心於彼過去觀察無心於彼未來觀察無  
心於彼現在觀察如來應供正等正覺如是  
安住三摩地中心無少法而可生起然於一

切法中以無礙知見而常隨轉都無發悟如  
來離心意識於定分位亦不減失復常施作  
一切佛事然無發悟

余時世尊重明斯義說伽陀曰

佛於無量百千劫偏三有中修道行  
戒聞定忍無散心圓成無上菩提果

佛善業果報如是超勝世間戒清淨  
無穢論垢淨如空十力淨戒虛空等  
佛於初夜成正覺後於中夜入涅槃  
佛無心行無徧行於諸寂定無滅少  
十力戒蘊亦無滅  
百千劫中住一心  
佛無分別離分別

佛於如空定境界三義轉佛無礙智  
心意伺察不遣除佛子信解佛十力  
舍利子如是等法住信菩薩應於如來戒定  
法中信解清淨超越分別離諸疑悔後復生  
起身喜心喜適悅之相發希有想  
復次舍利子云何名爲住信菩薩於佛如來  
五 義九

神足通力信解清淨乃至發希有想舍利子  
如來應供正等正覺常所宣說尊者大目乾  
連於聲聞苾蒭衆中神通第一於彼菩薩衆  
中若以聲聞神通同等較量我不見有聲聞  
神通與菩薩等者若以菩薩神通與佛神通  
同等較量我不見有菩薩神通與如來神通  
而相等者彼諸菩薩常作是念如來神通不  
可思議我等發勤精進願求成辦如來神力  
復次舍利子我今復以喻說發明如來神通  
智力汝樂聞不舍利子白佛言世尊今正是  
時願佛爲說令諸苾蒭聞所說已信奉受持  
佛言舍利子於汝意云何大目乾連有大神

通邪舍利子白佛言世尊我親聞佛說親所聽受大目乾連於聲聞苾蒭衆中神通第一佛言舍利子假使三千大千世界滿中一切聲聞彼神力皆與大目乾連神力同等猶如稻麻竹筆甘蔗叢林如是同等如是色相所有一切聲聞功德威勢精進力能神通變化隨所表示比佛如來百分不及一千分不及一百千分不及一一俱胝分不及一百俱胝分不及一千俱胝分不及一百千俱胝分不及一筭分數分及譬喻分乃至烏波尼殺曇分皆不及一何以故如來應供正等正覺得最上波羅蜜多故舍利子如來以神通力

於此地中置一芥子以佛如來如持力故彼諸聲聞一切威勢神通力能而悉不能舉彼芥子復不能動一毛端量何以故如來應供正等正覺已得最上波羅蜜多及神通波羅蜜多故舍利子且置上說此三千大千世界乃至東西南北四維上下普偏十方統伽沙

等一切世界所有一切衆生之類若卵生若胎生若濕生若化生若有色若無色若有想若無想若非有想非無想彼諸衆生一時皆得聲聞之果具大神通悉如大目乾連彼諸聲聞同以威勢力能神通變化而悉不能舉動芥子一毛端量何以故如來應供正等正覺已得最上波羅蜜多及神通波羅蜜多故具大威德有大神通得大自在今時世尊復告尊者舍利子言汝昔曾聞風災劫時有大風起名毗藍婆振吼吹擊此三千大千世界湧弥山王鐵圍諸山大鐵圍山等及四大洲至八萬洲彼大海吹鼓高起流散周徧一

觀九

六

由旬量舍利子白佛言世尊我昔親聞如來宣說如是等事佛言舍利子風災劫時大風吹擊此三千大千世界湧弥山王及諸山大海吹鼓高起破壞流散周徧一切乃至無數百千由旬分量地居諸天亦悉驟鼓流散周徧塵尚不見況山石等所有夜摩天中諸宮

殿等飈鼓破壞流散周徧塵尚不見何況宮殿彼堯率天化樂天他化自在天梵衆天梵輔天梵會天大梵天少光天無量光天光音天少淨天無量淨天徧淨天如是等天諸宮殿等飈鼓破壞流散周徧尚不見何況宮殿舍利子如是大風飈鼓吹擊爾時如來所有

與大目連智皆同  
如來於此地方中置一芥子極微塵役彼一切現神通而悉不能爲舉動所有毘伽沙數等十方一切世界中毗藍婆風振擊時普偏諸方皆吹鼓當彼如是大風起佛上妙衣悉舉示

妙衣不能揜動一毛端量況復衣角所以者何以佛如來不思議神力不思議緣不思議所行不思議大悲悉具足故舍利子當彼大風飈鼓之時東西南北四維上下周徧十方殃伽沙等一切世界大風不止是時如來舉以指端指大風輪即時大風皆悉止息此是

不能動其一毛端大風吹擊極猛惡神力能止大風輪由佛神力不思議牟尼舉一毛端量無邊廣大虛空等舍利子住信菩薩應於如來如是神力信解清淨乃至發希有想

如來神通智力無所滅失不思議故舍利子彼住信菩薩應於如來神通智力信解清淨超越分別離諸疑悔後復生起身喜心喜適悅之相發希有想

余時世尊重明斯義說伽陀曰  
所有三界諸衆生 皆作聲聞具智慧

七末